

Tūtala auloa

Ka pelē auloa mo e tau mena tutupu he taha magaaho he aho ko e tau mogo haia ne mua atu e mahuiga ke lata mo e fakaakoaga he tau vagahau. Nakai pehē e mena ia ke fakatoka pauaki taha magaaho he aho ke lata mo e tau fakaakoaga pihia.

Onono mo e fanogonogo ke he tau fanau mo e tūtala kia lautolu hagaao ke he tau mena kua fialia a lautolu ki ai. To hokulo e ha lautolu a tau fakaakoaga ke he tau tau vagahau kaeke ku loga e tau kupu ha lautolu ka logona.



Tūtala ke he tau mena ne fialia au ki ai.

Ka pehē tūtala tumau mai kia au, to holo ki mua e mitaki he haaku a tau kupu vagahau, haaku a vagahau mo e haaku a tau fakaakoaga ti mitaki foki haaku a fakaakoaga ke totou.



Ko e fakakiteaga katoa haia ke he:

<https://tewhariki.tki.org.nz>



Talking Together

Te Kōrerorero

Fakatūtalaaga auloa



Vagahau Niue

Fakatūtalaaga auloa

Fakaaoga e vagahau po ke tau vagahau haau ka tūtala.

Mua atu e makaka he tau fanau ikiiki ke fakaako ke he vagahau mo e maeke ia lautolu ke fakaako molea taha e vagahau he magaaho.

Mua atu e mahuiga he vagahau haau he loto kaina mo e mitaki lahi ke fakaaoga he tau fanau ke fakaako falu a vagahau foki.

Ko e mena fai magaaho ke fakaako e vagahau. Ko e mena ia, ai pehē ko e mena foou ke kitia e tau fanau kua fai maamaaga a lautolu ke he vagahau ka e nakai mukamuka ia lautolu ke tūtala.

Kitia ki ai foki e tau fanau ne maeke ia lautolu ke fakaaoga auloa falu a valavala he tau vagahau he magaaho ka tūtala ai. Ko e taha mahani a ia he fakaako ke vagahau.

To iloa he tau fanau e falu a valavala he tau vagahau ti maeke ia lautolu ke hopo ke he taha vagahau kehe ke muitua atu kia lautolu ne fakatūtala ki ai.



Tua fakatūtalaaga tokoua

Ko e tau fakatūtalaaga tokoua ne maama he tau fanau ikiiki ko e mena mitaki lahi ke lagomatai atu ke tupuhake e tau maamaaga ke he uho ulu.

Maeke foki he tau fanau ke fakaaoga e tau tau alaga, tau kupu mo e tau vagahau ke iloa e holoaga he tau fakatūtalaaga.

Maeke foki ia koe ke fakatumau e fakatūtalaaga kaeke ka tūtala a koe haggao ke he tau mena ha lautolu ha ne fae taute po ke onoono ki ai.

Kaeke kua oti haau a vagahau, fakatali ke he tau fanau ke fakatūtala atu ke he ha lautolu a puhala ne manako ki ai (tuga e tau leo, tau kupu po ke tau fakakanoaga ka tutala fakaaoga e tau alaga he tino) - body language.

Pelē mo e tau kupu mo e tau leo

Ka fakafiafia ke he tau kupu mo e tau leo, to maeke ke lagomatai e tau fanau ke iloa e tau leo he tau kupu vagahau (phonological awareness), ko e taha mena mahuiga ke lata mo e fakaako ke tohi mo e totou.

Mitaki lahi ka pehē fiafia he tau magaaho ka fakaako auloa, totou falu a tala kūkū, tau lologo, totou he tau poueme, fati falu a lologo foou mo e talahau falu a tau mena fekī moe fulufuluola.

Totou mo e talahau falu a tala.

Ko e tau faga pepa totou oti mo e tau tala kehekehe to lagomatai atu ke he tau fanau ke fakafiafia a lautolu ka totou.

Ka totou atu kia lautolu e tau tala ke he tau mena tutupu kua mole ki tua mo e tau mena tutupu he tau magaaho i mua to lagomatai atu ke he ha lautolu a tau manamanatuaga mo e maamaaga ke he lalolagi lahi.

Mitaki lahi ka fakaaoga a lautolu ke totou e tau pepa ne fiafia a lautolu kia ia, kakano to iloa e lautolu e tau mena ne fiafia a lautolu ki ai.

Falu a magaaho to fiafia ni e tama ke he taha e lau he pepa, po ke fiafia ni ke onoono atu ke he tau fakatino po ke taha ni e pepa ne fa e totou tumau ki ai. Ai kelea e mena nai, kaeke kua nakai oti e pepa he totou.

Tau vagahau fakamaama

Ka tūtala auloa mo e tau fanau haggao ia ke he ha mena to maeke ia he tau fanau ke moua taha maamaaga haggao ke he tau mena he lalolagi, iloa falu a tau kupu foou mo e fakaaogaaga he tau kupu ia. Falu a mena ke taute e koe ke lagomatai atu haau a tama:

- » Tūtala mo e fakamaama age kia lautolu e tau mena tutupu he magaaho ia, mua atu ke he tau mena kua kitia ai e lautolu.
- » Fakamaama age kia lautolu ko e heigoa haau ha ne fae taute, fakatai pehē vagahau ko e heigoa haau ne taute he magaaho ka pehē kaitunu a koe.
- » Fakaaoga e tau kupu mo e tau higoa kua hako, ti fakaaoga foki falu a kupu ne tatai e tau kakano (synonyms). Fakatai pehē, “*Ko e lūlū au he falaoa mata mogonai. Ko e lulululu au he falaoa mata ke he faahi hema mo e faahi matau.*”